



New Euro Style

Italian Aluminum Windows & Door's

- 8 Color di aluminio pa scohe.
- Variedad y Calidad Europeo pabo.

Kini-Kini Bldg. # 4 (banda di Burger King & Favorito) Tel: 937536





E ultimo bishita di Watty Vos na e cas caminda el a nace

ORANJESTAD(AAN)-

Ayera hendenan a reuni na Madiki 42 pa por a presencia e momento cu e cortejo funebre tabata pasa pa Watty despedi di e cas caminda el a nace.

Durante ultimo dianan hopi tabata esnan cu a acudi na cas di su ruman muher, cu awor ta mayor di e ultimo

dos rumannan Vos cu a keda. Siman pasa, e ruman muher di Watty Vos a regresa for di Merca caminda e tabata acompaña su ruman na e momentonan final di su enfermedad. El a bolbe Aruba Diavierna pa Diasabra madruga ricibi e informe cu Watty a fayece.

Pa familia Vos, perdida di Watty tabata visible tur momento. Su sobрино ayera a emociona tur esnan presente den Santana ora el a laga su emocionnan haya salida na e despedida final di su omo

stima. Si durante e ultimo siman e tabata duna muestra cu e por a contene su emocion, su sentimentonan a desborda den Santana y a pone tur hende realiza cu palabra a caba.

Aruba a perde un gran gobernante. Pueblo a uni den dolor pero sin duda e peso di mas grandi a worde sinti dor di esnan cu ta forma parti di e bida familiar di Watty Vos, cu semper a duna su familia e lugar cu ta coresponde nan den su sentimentonan y asina a laga atras e gran chempel di valor di familia.

Viuda a keda cu Watty Vos hasta despues di su fayecimento



ORANJESTAD(AAN)-

E imagennan emotivo di e viuda di Watty Vos, a capta atencion di tur hende for di momento cu el a regresa Aruba. Como figura publico, Watty Vos a haci su familia tambe parti di su entrega na su pais.

Na inicio tabata imagennan di alegria cu tabata alcanza Pueblo. E formacion di un familia, cu a crece cu nacimiento di e dos yiunan di e pareha. Enfermedad a kibra un soño y durante e ultimo añanan, e bida familiar di

Watty Vos a worde marca pa su lucha pa recupera su salud.

Informacionnan ta muestra cu e impacto di e fayecimento di Watty Vos tabata asina grandi, cu su viuda a keda henter dia cu e ya difunto den camber y no kier a bandone.

Awor viuda, mama di dos yiu cu tabata sumamente liga na nan tata, lo tuma tempo pa Señora Vos por recupera awor di e realidad di bida, cu a pone fin na su bida matrimonial cu Watty Vos, na un forma hopi duro.